

三峯史論明斷編
史疑續史疑



明

斷

編

程
楷
著

中
華
書
局

叢書集成初編

三 峯 史 論（及其他三種）

中 華 書 局 出 版 發 行

（北京王府井大街三十六號）

秦 皇 島 市 資 料 印 刷 廠 印 刷

一 九 九 一 年 北 京 第 一 版

開 本：七 八 七 乘 一 〇 九 二 毫 米 三 十 二 分 之 二

統 一 書 號：ISBN 7—101—00894—1/K·367

明
斷
編

此據今獻彙言本
影印初編各叢書
僅有此本

明斷編

樂平程楷著

治天下有本曰明而已治天下有要曰斷而已明以
燭天下之大幾則賢否是非心有定見而無眩疑依
違之惑斷以決天下之大務則賞罰因革事有定力
而無僭濫舛繆之非使非明焉則人之賢否維然交
進前有譖而罔覺後有賊而不知賢不肖混淆矣政
之是非漫不可省厚民益國者不知其利戕民害國
者不知其害是非倒置矣使非斷焉則賞不足以慶
善而賞也無所勸罰不足以威惡而罰也無所懲賞

罰浸濫矣。事有當因而不能襲，事有當革而不能改，施行以是而尚天下之治，豈不難哉！然明非察察，微謬矣許以為智者，不逆不億而隱情自燭耳。斷非斷斷果確以為史者，擇中持正而輕重權衡耳。明之至必如日月之光，大明當空而萬彙畢照矣。斷之至必如乾剛之運，大分不差而四時有序也。然全明斷之美而無明斷之失，非強於學問不可得矣。蓋學進則識進，識進則明明則斷。治天下之本，之要執有過於此哉！古之聖主、明王、英君、誼辟，所以能開太平之業者，用此道也。庸君、暗主、敗國、亡身，所以致放戮之禍者，失

此道也請歷陳之

當遂古之初三皇之始天靈淡泊無為而化萬物群生淳風沕穆明之與斷故無可言者羲炎繼體黃讐紹統書契作而五穀植田野分而制度舉明之與斷始有名焉

堯之為君也其知如神仁照義立明斷之資脩矣故明揚側陋平章百姓明孰尚焉不賞而勸不罰而治斷孰加焉堯以是明斷而協萬邦也

舜之為君也濬哲文明允執厥中明斷之体全矣故明目達聰察遠能邇昭明之四布也元凱兼舉四凶

就誅殺斷之天行也舜以是明斷而風動四方也
夏順水之性而不鑿成天之功而不疑禹之明斷大
矣守成而為啓也則即釣臺以享諸侯召六師而征
有扈中興而為少康也右德兆謀敷放有衆祀夏配
天光復舊物蓋克肖祖德以有為者

商懋昭大德而建中於民以義制事而表正萬邦湯
之明斷卓矣一傳而為太甲也則處仁遷義而克脩
乎厥德數傳而為武丁也復興殷道而肆伐乎鬼方
蓋求先美以自振者也

周文王之明也則明德有以順上帝之則斷也則一

怒而安天下之民三分天下肇建有邦宜也武王之
明也則明義而建極斷也則大介以滅商一戎大定
未清四海宜也斤斤其明則成康績文武之德奄有
萬方則屢世襲咸和之休然而
力可
以勝鐵桀非不明斷也夏以之而亡知足以飾非勇
足以拒諫紂非不明斷也商以之而滅則為強梁暴
矣淪於克惡適所以為明斷之累也王禮不明始下
堂而見諸候夷王之陵替甚矣王令不行始歸瑁而
及仲子平王之衰微極矣則為昏弱庸懦陷於柔惡
誠所以為明斷之蓋也

漢高帝天性明達好謀能斷是以知三傑之謀用之而不疑善陳平之計從之而不吝當食納子房之策揮洗聽酈生之說委敬有定都之謀則嘉納不寵賜以姓陸賈有新語之獻則親覽而每稱其善諫易太子周昌之言切矣則愛之論次蕭何鄂千秋之言當矣則賞之其用人之明斷也為何如懲秦政之苛則約三章之法殫項羽之惡則發義帝之喪監胡亥之死則立太子於草昧之初慘焚書之禍則祀孔子於過魯之日立宗廟尊太公封同姓而孝悌之風行申軍法定章程起朝儀而制度之美定政之因革當矣丁

公不忠則戮之以徇軍士季布各為其主則封之以表輿論政之賞罰明矣為政之明斷也為何如然而
不事詩書學問不足雖有明斷之資而不能成明斷
之美耽枕席之情而牽愛於戚姬是斷之不足也蓄
疑忌之心而屠戮夫功臣是斷之傷猛也使帝少加
學問之功豈至若是之失耶

惠帝承呂后之驕暴當祿產之專權非有剛明果斷
之主不能有為矣而徒曰恭己寬仁無所建立雖除
挾書妖言之令舉孝悌力田之詔皆有可觀而外戚
釀禍宗社疑危使非陵勒諸公天下其亦庶幾矣

文帝躬脩玄默務在寬厚若無為者然而無事則謙讓無能有事則剛毅奮發實剛克焉是以平勃功高終為將相申屠守正得中國法勞軍細柳周亞夫若倨矣則如歎不已卻座寵姬袁盎若強矣則錫賁加隆知吳公政績第一也則超拜內班張釋之議論可采也則擢居待從聞晁錯之論則徙居民於塞下聞馮唐之論則復魏尚於雲中賈誼治安容納其策賈山至言畢從其詞用人至明且斷矣露臺之費則惜之千里之馬則卻之除肉刑除誹謗妖言法除收奴相坐律祥刑之意隱然也止秘祝定限窮養老令

舉賢良直諫者立法之意昭然也安邇恤民固素志矣而匈奴跋扈則即下親征之詔一怒安民之勇也恭儉親親固恒德矣而薄昭有罪則不免自裁之令罰不遺親之猛也為政明且斷矣是蓋由其玄默思道而涵養之功密止輦受言而采擇之力多故其所為動皆可觀然祀雍之舉未免於惑短喪之言未免於謬而鄧通之寵未必非昵幸之私豈非其學問之功尤有未純者耶

景帝遵孝文之業成恭儉之化劉舍衛綰以淳謹為相張敖直不疑以長者見用定稅法則三十稅一定

後法則三十始傳拳拳乎恤民之意也於官則戒脩
職事於民則勸課農桑耿耿乎務民之心也但刻薄
任數詐力御下平居則誅賞大行有難則懦惧失
措受左右之謗則悞悞殺晁錯沮濫封之謀則戮殺
亞夫以無寵而廢薄后以無辜而殺太子其明之不
足斷之不決槩可見矣

武帝雄才大畧聰明能斷用人必稱其能用法平無
所貸竇憲以儒雅相石慶以謹諄相汲黯以忠直見
重董仲舒倪寬以文學見收韓安國鄭當時之推賢
霍光金日磾之托孤皆知之明而任之斷罷黜百家

表章六經疇咨海內舉其俊茂改正朔而洗百年之
繆協音律而興一邦之樂皆見之明而行之決矣惜
乎學問不足暗昧或生而田弘公孫弘之犴狴董偃
桑弘羊之欺罔出入左右牽蔽惑聽江充之誣而
殺太子縱張杜之暴而殺大臣成衛青李廣利之功
而邊事不已納桑太公孫卿之偽而淫祀無端東封
西祀巡狩之無度崇臺廣殿土木之大興筭商車繕
錢而民之膏血已枯置均輸酒榷而國之利愈密卒
致海內虛耗文帝之業隳矣是明之不正而流於高
荒斷之不正而過于悍戾也

昭帝以童稚之年辨霍光之忠蓋凜乎可畏者惜天祚不求大業罔終悲夫

宣帝綜核名實信賞必罰魏相丙吉同心輔政黃霸于定國相繼登樞龔遂以循良用趙充國以老成將知人若明也石渠講經稱制臨決麒麟建閣崇德報功舉賢良之士益小吏之俸政事若明也然而學務中韓治雜霸道趙蓋揚韓苑非其當金馬碧雞事尚虛無用恭顯而落窻官之門貴許史而鑿外戚之竇西漢之亡首基於此矣

元帝牽制文義優游不斷弘恭石顯據其權牢梁竟

宗助其焰劉更生賈捐之以論顯而見外京房陳咸以諫顯而見殺政去朝廷禍鍾直雖貢薛常匡繼為宰相亦無所建明矣

成帝即位之初放誅石顯舉政之始罷黜中官若颯起有為者既而耽於酒色務於荒淫趙氏亂于內王氏專于外張放董賢以幸而承寵王嘉王直而見疎杜欽谷永阿黨擁門張禹孔光務于承頂漢業之衰如此終以衰帝惛愎而不從正平帝幼冲而無所可否昏柔若此又拱手於奸雄之側夫何為哉王莽妄肆鬼奸竊取神器動假古道以蓋罪愆天下既為魚